

МУВАФФАҚИЯТ ВА МУАММОЛАР

Республика «Қўриқлаш» бирлашмаси тезкор кенгашидан

— Республика «Қўриқлаш» бирлашмаси ва унинг ички ишлар идоралари қошидаги бўлинмалари қўриқланаётган объектларда ўғирлик қилишларга барҳам беришга, жиноятчилик ва ҳуқуқ-тартибот бузишларга қарши курашни кучайтиришга қаратилган тadbирлар мажмуини амалга оширмоқдалар, — деди тезкор кенгашни очаркан бирлашма бошлиғи, милиция полковниги Х. Убайдуллаев.

Тўрт ой ичида қўриқланадиган халқ хўжалиги объектларидаги ўғирликлар сони 63,4 фоиз камайди, қўриқлаш бўлинмалари муҳофазасида бўлган хонадонларга ўғри тушишига йўл қўйилмади.

Бирлашма ходимларининг омилкорона фаолияти туфайли ҳисобот даврида 617 жиноятнинг олди олинди ва очилди, бу эса ўтган йилнинг шу давридагига қараганда 36,5 фоиз кўп. Бунда жиноят содир қилишда гумон қилинган 739 киши ушланган эди.

— Чунончи, тунги соат учда Тошкент шаҳар ИИББ қошидаги қўриқлаш бошқармаси полки 5-ротасининг милиционерлари Ж. Обидова номли тамаки фабрикасининг девори тагида қазилган лаҳмини кўриб қолдилар, бу ҳақда навбатчи қисмга хабар қилишди. Полк командири, милиция майори И. Сайдахмедов бошчилигидаги ходимлар бу ерни ўраб олдилар. Моҳирона ташкил этилган пистирма натижасида икки ўғри ушланди, улардан жами 34 минг 480 сўмлик ўғирланган «Ўзбекистон» ва «Астра» сигаретлари топилди.

Патруллик постлари ва маршрутлари зонасида жамоат тартибини сақлаш борасида сафдаги бўлинмаларнинг иши анча фаоллашди. Шу йилнинг ўзидаёқ турли маъмурий ҳуқуқ бузишлар учун 33800 киши ушланди.

Саноат объектларида хом ашё ва тайёр маҳсулотни бут сақлаш чораларини кўриб, қўриқлаш бўлинмаларининг ходимлари майда ўғирлик қилгани учун 6981 кишини ушлашди, улардан 2 миллион сўмликдан зиёд товар-моддий қийматлар мусодара қилинди ва давлатга қайтарилди.

ИИББ ҳузуридаги қўриқлаш бўлинмаларининг роли ошиб, унинг вазифалари кенгайиб бораётган ҳозирги пайтда ана шу хизмат кадрлари билан ишлаш биринчи даражали аҳамият касб этмоқда. Шу сабабли шахсий таркиб томонидан қонунлар ва хизмат интизомига риоя қилиниши масаласи тезкор кенгашнинг кун тартибига киритилганлиги бежиз эмас.

Идорадан ташқари қўриқлаш тизимида кадрлар билан ишлашда ўзига хос хусусиятлар мавжуд. Қўриқлаш бўлинмаларида милициянинг сафдаги бўлинмалари, муҳандис-техник ходимлар, ҳарбийлаштирилган ва қоровуллик

бўлинмалари бор. Бу эса раҳбарларни ходимларни танлаш, ўқитиш ва тарбиялашга доир ишни ташкил этишга ижодий ёндашишга ундайди.

Шу йилнинг тўрт ойи ичида хизмат интизомини бузгани учун жазоланган ходимларнинг миқдори ўтган йилнинг шу давридагига қараганда анча камайди.

Бироқ фойдаланилмаган имкониятлар ҳали оз эмас. Тезкор кенгаш қатнашчилари ўз чиқишларида жамоат тузилмалари, ўртоқлик судларининг родини ошириш, яқка тартибдаги тарбия ишини янада яхшилаш, мураббийликни ривожлантириш зарурлигини таъкидладилар.

Техник воситаларни кенг татбиқ этиш ва улардан фойдаланиш сифатини ошириш қўриқлаш бўлинмаларининг хизмат фаолиятини такомиллаштириш ҳамда давлат, жамоат мол-мулки ва фуқароларнинг шахсий мулкини қўриқлаш пухталигини янада ошириш учун негиз ҳисобланади. «Қўриқлаш» республика бирлашмаси бошлиғининг ўринбосари, милиция полковниги Г.Кербелаев техник бирлашма бўлимнинг қўриқлаш-ёнгиндан хабар бериш сигнализацияси (ҚЭС)

воситаларини жорий қилишга доир уюштирувчи роли тўғрисида ҳисобот берди.


Қўриқлашнинг техник воситаларини жорий этиш масалаларига катта эътибор берилганлиги, техник бўлинмаларнинг иши тўғри ташкил этилганлиги қўйилган вазифаларни амалга оширишда сезиларли ютуқларга эришиш имконини берди. Амалга оширилган тadbирлар натижасида халқ хўжалигининг қўриқланадиган барча объектлари амалда ҚЭС воситалари билан жиҳозланди. Мазкур йилнинг ўзидагина халқ хўжалигининг 961 объекти сигнализация воситалари билан жиҳозланди, 660 объект марказлаштирилган қўриқлаш пунктига уланди.

Қўриқлаш хизмати эҳтиёжлари учун ҳисобот даврида «Атлас-3» типидида 80 комплект аппаратура, 4 мингта қабул қилиш-назорат асбоблари ва бошқа зарур техника сотиб олинди.

Муаммолар ҳам бор. МДХ мамлакатларидаги маҳсулот етказиб берувчи корхоналар билан иқтисодий алоқаларнинг барқарор эмаслиги, ускуналарни марказлаштирилган тартибда етказиб беришнинг кескин қисқарганлиги шароитида ҚЭС воситаларини тайёрлашга доир буюртмаларни республика корхоналарида жойлаштиришнинг имкониятларини қидириб топиш ҳақида қарор қабул қилинди.

Ю. КОШАРНИЙ,
Республика «Қўриқлаш» бирлашмаси ташкилий-таҳлилий бўлимнинг бошлиғи, милиция подполковниги.

БОШҚОТИРМА



Ҳамма жавоблар белгиланган катакчадан бошланиб, соат мили йўналиши бўйича ёзилади:

1. 1812 йилда Россияга қарши урушда маглубиятга учраган Франция императори 2. Эрон и собик СССРдаги тоғ тизмаси, Туркман-Хуросон тоғларининг бир қисми 3. Россиядаги вилоят маркази 4. Жавоҳирга нақш солиш санъати 5. Урта Осиёда Искандарга қарши кўтарилган халқ кўзғолони раҳбари 6. Ботсвана давлатининг пойтахти 7. Франциядаги шаҳар 8. Екутистондаги дарё. Ленанинг ўнг irmoғи 9. Қадимги юнон шахрининг баланд, мустаҳкамланган қисми, тепа шаҳар 10. Польшадаги шаҳар 11. XV аср-ХІХ аср охирида Африкада мавжуд бўлган давлат 12. Самолетнинг эскирган номи 13. АКШнинг жанубидаги штат 14. Ворошиловград вилоятидаги шаҳар 15. Қирғизистондаги курорт 16. Самарқанд вилоятидаги туман 17. Анголанинг пойтахти 18. Арманистоннинг Агстев дарёси бўйидаги шаҳри 19. Япон денгизи бўйидаги музламайдиган порт 20. Бухоро хонлигида арзчилар шикоятини амрига етказиб берувчи амалдор 21. Урта аср Шарқ армияларида катта жанговар ҳарбий қўшиннинг ўнг қаноти 22. 1970-73 йилларда Чили президенти 23. Германиянинг Эльба дарёси бўйидаги шаҳар 24. Жанубий Америкадаги давлат 25. Жанубий Италиядаги шаҳар ва порт 26. Грузия езувчиси, Грузия ФА академиги 27. Буюк Британиядаги шаҳар 28. Ернинг энг катта материги 29. Ғарбий Африкадаги давлат 30. Ниш урувчи куртаклари тупроқда қишлайдиган кўп йиллик ўсимлик 31. Шимолий Американинг жанубий шарқидаги ярим орол 32. Урта Шарқ адабиётида ўтмишдаги еки замондош адиб асарига ўхшатма тарикасида оригинал асар ёзиш 33. 1474 йилда асос солинган Нижний Новгород вилоятидаги шаҳар.

Тузувчи: Йўлдош НАСРИДДИНОВ, милиция подполковниги.



«Мен
боғчагача
кетяпман!»

С. Бобоевнинг

суратли лавҳаси

БИРЛИКДА ГАП КЎП

Бизга хабар берадилар

Бу йилги баҳор жуда яхши бошланган эди. Лекин апрелнинг сўнги кунларида табиатнинг кутилмаган ҳодисаси юз бериб, кўпларни ташвишда қолдирди. Андижон шаҳрининг марказидан оқиб ўтувчи эски анҳор кучли ёгингарчилик оқибатида ўзанидан тошиб, бир қанча хонадонларни сув босди. Тураржой бинолари яшаш учун мутлақо яроқсиз холга келди.

Ҳозирги тақчиллик ва қимматчилик даврида бирор кулба яратиш нақадар мушкуллигини, уй-жойсиз қолганлар қандай уй-ташвишлар қуршовида эканликларини яхши билган вилоят ҳокимлиги раҳбарлари ва жуда кўп фуқаролар дарҳол ёрдамга ошқидилар. Қутлуг ният, яхши ишлар халқимиз ичида ҳам тез акс-садо берди. Бугунги кунда сув олган жойлар ўрнида жадал қурилиш ишлари олиб борилаётир, химмати улуг инсонлар мадади билан бошпанасиз қолганлар учун пишиқ-пухта янги уй-жойлар тикланмоқда.

Инсонийлик ёрдами кўрсатиб, фаол қурилиш

ишлари олиб бораётганлар қаторида вилоят ички ишлар бошқармаси жамоаси ҳам бёр. «Мир» кўчасининг 15-хонадонида истиқомат қилиб келган кўп болали Анваржон Мақсудов оиласини оталиққа олган ҳашарчи биродарларимиз қисқа вақт ичида эски уйларни тўла бузиб ташлаб, янги бино пойдеворини қўйдилар ва айна пайтда уй деворлари қад ростлаб бўлай деб қолди.

Шу ўринда олиҳиммат милиционерлар томонидан пул маблаглари тўпланаётганлигини айтиш жоиз. Республика Ички ишлар вазирлиги ҳайъати ҳам мазкур ишдан четда қолмай, офатдан зарар кўрган оилаларга 200 минг дона гишт етказиб беришга қарор қилган.

Қисқа қилиб айтганда, яхши инсонларнинг яхшиликлари туфайли Мақсудовлар оиласи аъзоларини исканжага олган бемаврид ташвиш чекинмоқда. Куч бирликда, ҳамжихатликда дейишгани шу-да!

Сирожиддин ҲАСАНОВ.

Э Ё Л О Н

Наманган педагогика билим юрти томонидан 1986 йилда Тошибоева Рўхси Турғунбоевна номига берилган ИТ-1 №118830 рақамли диплом йўқолганлиги сабабли;

Қўқон автомобиль йўллари техникуми томонидан 1988 йилда Жўраев Абдумурот номига берилган ЛТ-1 №093467 рақамли диплом

йўқолганлиги туфайли;

1988 йилда Рустамов Абдусалом Султонвич номига берилган Тошкент шаҳридаги 268-ўрта мактабни битирганлик тўғрисидаги 476439 рақамли аттестат йўқолганлиги сабабли

БЕКОР ҚИЛИНАДИ.

- Кўчириб босишда «Постда»дан эканлигини кўрсатиш шарт.
- Мақолада келтирилган рақамлар, фактлар ва бошқа маълумотлар учун, шунингдек, очиқ эълон қилиниши мумкин бўлмаган маълумотлар учун муаллиф жавобгар ҳисобланади.
- Муаллифнинг мулоҳазаси таҳририят фикрига мос тушмаслиги мумкин.
- Қўлёзмалар таҳлил қилинмайди ва қайтарилмайди.

Газета ИВМ компьютерида терилди ва саҳифаланди. Рўйхатдан ўтиш тартиби № 000021. Буюртма Г — 297, 35.929 нусхада босилди. Ҳажми — 2 босма табоқ. Босилиш — офсет усулида. Босишга топшириш вақти — 19.00. Босишга топширилди — 19.00.

ТЕЛЕФОНЛАР: муҳаррир — 39-70-40, муҳаррир ўринбосари — 39-77-23, масъул котиб — 59-29-66, муҳбирлар бўлими — 59-20-92, умумий бўлим — 59-21-21. Обуна рақами — 64615.

Муҳаррир
Зокир ОТАЕВ.
МАНЗИЛГОҲИМИЗ:
700029, Тошкент, Г. Лопатин кўчаси, 1.